

PARRY, HENRY (1766? - 1854), clericwr a hynafiaethydd

Enw: Henry Parry

Dyddiad geni: 1766?

Dyddiad marw: 1854

Rhiant: Henry Parry

Rhyw: Gwryw

Galwedigaeth: clericwr a hynafiaethydd

Maes gweithgaredd: Crefydd; Hanes a Diwylliant

Awdur: William Llewelyn Davies

Ganwyd c. 1766, mab Henry Parry, Brynllech, Llanuwchllyn. Cafodd ei addysg yng Ngholeg Iesu, Rhydychen (ymaelodi 1 Mehefin 1786, yn 20 oed; B.A. 1790). Bu'n ficer Llanasa, Sir y Fflint, am gyfnod hir, sef o 1798 hyd 1854; gwnaethpwyd ef yn un o ganoniaid Llanelwly ar 3 Mai 1833. Yr oedd yn flaenllaw fel eisteddfodwr (gweler *Seren Gomer*, 1834, 212, am ei hanes yn llywyddu mewn eisteddfod beirdd yn Nhrefynnon, 3 Mehefin 1834) ac fel hynafiaethydd (gweler marw-goffa byr yn *Archæologia Cambrensis*, 1855, 58). Golygodd ail argraffiad (Rhydychen, 1809) gramadeg y [Dr. John Davies](#) o Fallwyd a gyhoeddodd gyntaf yn 1621; sylwer fod argraffiad Parry ar werth gan Broster a Poole yng Nghaer a chan [Carnes](#) yn Nhrefynnon. Y mae rhai llythyrau a ysgrifennodd wedi eu cadw yng nghasgliadau [Edward Jones](#) (' Bardd y Brenin '), [Thomas](#) a David Pennant, a [Walter Davies](#) ('Gwallter Mechain') yn Ll.G.C.; e.e. NLW. MS. 165, 1807, 1893, 2590-1, a 4877-8. Bu farw 17 Rhagfyr 1854.

Awdur

Syr William Llewelyn Davies, (1887 - 1952)

Ffynonellau

H. B. Thomas, *A History of the Diocese of St. Asaph* (1874)

Foster, *Mynegai i 'Composition Books' yr esgobion yn y P.R.O. Y mae'r mynegai gwreiddiol yntau yn y P.R.O., ond y mae copïau ar gael, e.e. yn N.L.W. MSS. 1626-7. Cyhoeddwyd rhan o'r mynegai, am y cyfnod 1800-40, yn Index Ecclesiasticus, 1890*

ibid., *Alumni Oxonienses*

Dolenni Ychwanegol

Wikidata: [Q5726737](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC-RUU/1.0/>

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

